

[FOTO HIASAN]



**Pelaksanaan sebarang program** berbentuk kembawa atau aktiviti lasak di luar kampus harus menitikberatkan aspek keselamatan peserta.

# Persiapan rapi bantu usaha menyelamat

**Kuala Lumpur:** Persiapan rapi mesti dititikberatkan dalam penganjuran sebarang program membabitkan aktiviti lasak di luar kampus supaya usaha menyelamat dapat dilaksanakan dengan cekap sekiranya berlaku insiden tidak diingini.

Yang Dipertua Majlis Perwakilan Pelajar (MPP) Universiti Malaysia Perlis (UniMAP), Nurhazwani Zabidin, berkata misalnya bagi aktiviti meredah hutan, antara langkah penting perlu diambil ialah mendapatkan permit kebenaran daripada Jabatan Perhutanan.

Di samping itu, katanya, penganjur juga harus memenuhi prosedur keselamatan lain seperti memaklumkan kepada pihak polis sebelum menjalankan program.

Beliau berkata, aktiviti mendaki bukit dan gunung menjadi trend dalam kalangan orang muda kini, termasuk mahasiswa, namun ada yang gagal mematuhi prosedur keselamatan ditetapkan.

## Ambil iktibar

“Atas dasar keselamatan, aktiviti sedemikian boleh dijalankan di tapak perkhemahan yang ada penyeliaan penuh dengan kelengkapan dan pemantauan keselamatan.

“Sebagai contoh, melaksanakan modul aktiviti di tapak perkhemahan seliaan Biro



**Mohamad Ameerul Ishak**

tujuan utama penganjuran aktiviti ikhtiar hidup ialah meningkatkan jati diri mahasiswa supaya dapat memberi sumbangan kepada agama, bangsa dan negara, justeru harus dibuat persediaan teliti serta teratur.

## Pelan urus risiko

“Bagi program perkhemahan di dalam hutan, lokasi terbabit perlu diselidik secara mendalam dari segi kesesuaian untuk aktiviti yang bakal dijalankan, terutama keadaan bentuk muka bumiinya.

“Selain itu, pastikan ada renjer hutan dan maklumat mengenai jarak ke klinik atau hospital terdekat. Tenaga pengajar atau fasilitator pula harus terdiri daripada mereka yang berkelayakan sebenar.

“Peserta juga perlu diberi pendedahan asas terlebih dahulu, menjalani pemeriksaan kesihatan, membawa ubat-ubatan asas dan ada pengetahuan berhubung aktiviti rekreasi,” katanya.

Pengerusi Kelab Kepimpinan, Kejurulatihan dan Keusahawanan UPM, Iqwan Alif Jaafar, pula berkata pelan pengurusan risiko perlu dibentangkan terlebih dahulu sebagai persediaan menghadapi sebarang kemungkinan sewaktu program.

“Peserta juga perlu diterapkan ilmu ekologi asas supaya dapat memilih kawasan bersesuaian untuk melakukan aktiviti lasak,” katanya.